

gulare, coriaceum, parum tomentosum. Elytra thoracis basi parum latiora, truncata, humero obtuso, prominulo, lateribus linearia, posterius angustiora, apice singulatim rotundata; supra modice convexa, subtiliter ruguloso-punctata. Corpus subtus subtilissime punctulatum, sericeum. Pedes longi, tennes, femorum apice parum crassiorum et tibiaram apice tarsisque fuscis, pubescentibus.

Semel in montibus Kusnezki capta.

20. *L. extensa* m. Dej.

Linearis, subdepressa, nigra, obscura, cinereo-pubescentis, elytris valde elongatis, confertim punctulatis, apice subtruncatis.

Long. 5 - 6½ lin. Lat. 4½ - 4¾ in.

Statura et affinitas *L. sanguinosæ* Gyll.; colore, pube densiore, thoracis margine antico minus elevato, elytris longioribus et subtilius punctulatis differt. Caput magnum, cordatum, coriaceum, pilis longis, cinereis tectum, inter antennis excavatum, supra os transversim impressum, margine antico truncato. Oculi prominuli, anguste emarginati. Antennæ filiformes, longitudine corporis, tenuè pubescentes. Thorax ad basin et apicem angustior, constrictus, margine antico truncato, parum elevato, lateribus medio dilatatus, basi bisinuatus, angulis posticis prominulis; supra parum convexus, apicem versus leviter, ad basin, profunde transversim, in medio longitudinaliter impressus, dense coriaceus, pubescens. Scutellum

parvum, triangulare, punctulatum. Elytra basi thorace dimidio latiora, plus quintuplo longiora, humero parum prominulo, a basi ad apicem sensim angustata, linearia, apice obsolete truncata; supra fere plana, confertim subruguloso-punctulata, pube brevi parce adpersa. Corpus subtus nitidulum, subtilissime, punctulatum, antice pilosum, postice tenuè pubescens. Pedes elongati, recti, tennes, femorum apice parum crassiore, unguis piccis.

In montibus altaicis rara.

21. *L. maculata* m.

Linearis, nigra, punctulata, antennis, flavo-annulatis, tibiis tarsisque flavis, apice nigris, elytris apice rotundatis, maculis 5 flavis.

Long. 5 - 6½ lin. Lat. 1½ - 2 lin.

Statura *L. 6-guttate*; *L. rufiventri* valde affinis, sed diversa colore, elytris convexioribus, minus attenuatis, apice rotundatis. Caput statura congenerum, depressum, coriaceum, obscurum, griseo-pilosum; supra os transversim impressum, ore punctulato labroque flavis, hoc transversim nigro-carinulato, oculi magni, reniformes, brunnei. Antennæ validiusculæ, corpore breviores, griseo-pubescentes, articulis basalibus et apicalibus nigris, intermediis nigro flavoque annulatis. Thorax antice et postice constrictus, marginibus reflexis, angulis posticis obtusiusculis, lateribus parum dilatatus et in medio obsolete tuberculatus; supra convexus, coriaceus,